

樊

山

續

集

樊山續集卷四

恩施樊增祥嘉父

朝天集中

張菊如摹羅山人說文統系圖

畫筆清河逼兩峰遠從南閣溯宗風雲孫寫到吾邱衍莫墮  
山人鬼趣中

曲阜零縑劫火餘韓齋流轉到東湖當時曾傲菘畦叟篋有

簪花騎象圖山人嘗為未谷先生作說文統系戴花騎象二

因以二圖及送行詩冊歸之尋復索還亂後統系圖為王菘

畦所得而騎象圖歸余東溪草堂端午橋水部謂此圖不知

今落誰手豈知卽在故人篋衍耶

銀魚集賢書院課士題擬作

差差銀葉下橫塘一段清波素練光雪海有燈初照影秋河

無玉不成行柳條貫處排壺箭花片噉餘上井牀昨日水鮮

新進御海東殘照幾漁莊

時德寇膠州

紫蠚

最愛丁沽紫蠚羹青螺黃蜆不能爭  
朵頤忽為播薑動左手  
真同拾芥輕禁裏菊莢別風味塞垣戈甲自橫行  
賜緋漫作  
驕人色多恐無腸就鼎烹

廉生祭酒屬題施觀察所贈劉平國碑卷中題者十一

人大半皆古人矣

穹碑首署左將軍誰遣龜茲善八分終是漢家天子聖一時

西域盡同文

卷中師友半寒煙倚燭看碑輒泣然珍重儒林雙祭酒

兼謂伯熙

同周京猶褐共長年

題子珍畫蘭遺墨爲弢甫水部屬賦

有序

昔歲丙子結夏都門會稽先生爲之盟主屢開社會  
閒涉清游瑤扉乍款嬌燕入懷簫局才敷靈狸斯在  
子珍陶子夙號鍾情藉香草爲題爲玉奴寫照圖凡  
八幅幅寓一人扶倩影於花前藏芳名於句裏弢甫  
仁兒雅相愛悅親付裝池越十五年子珍怛化而昔  
時童丱並改朱顏畫裏春人都非綠鬢君乃追維昔  
款系以名章感且重於山邱情莫深於潭水又七年  
僕緣計薦再履春明於是會稽仙去墓草已宿黃墟  
重過淒其鄰笛之音絳樹云凋嗚咽秋墳之唱惟君  
與我猶是陳人重展斯圖淚如懸綆嗟乎黃督來羅  
之曲大段愁人青廬久竹之生都非壽相梁木就委

何論弱蘿滄海雖遷難枯愛水遂忘綺語之戒盡發  
靈蘭之馨滴殘紅淚證三生圓澤之因寫入青箋有  
無限瀟湘之意

自言湘水是前身子珍畫蘭每題云八詠風流貌玉人此是

宣南蘭月令司花一一存花神

絲竹中年屬謝家憑將聖解索桃花一時紙貴三珠讚半為  
秋菱半晚霞

翰林陶穀本神仙玉骨生苔過十年燕子樓中人似燕願伊  
為玉莫為煙

中郎已逝典型存重過黃墟酒不溫馬上羊曇惟有淚紫藤  
花下是州門愛師故宅有紫藤一本

腸斷龍標一曲歌玉山筵上奈愁何龜年莫漫談天寶朝士

貞元亦不多

朝天走馬詣明光執手瑯琊大道王二十二年如逝水再閒

圖畫看瀟湘

定子當筵弱不支朱霞綺散祇成悲烏臺購玉尙書笑此亦

花叢掌故詩

韓潭東去月如霜燈影喬家隔綠楊韓潭東去燈影認樓閣

祇今三易主更無人記佩春堂

舊事紅橋益可悲蜀岡何地熨愁眉美人不合揚州死紅藥

年年恰爲誰君又有綠楊城郭之感偶復及之

青霜一夕紫蘭秋花葉飄零不自由今日橫流徧滄海願君

身作木蘭舟

伯熙游小五臺歸以紀游詩見示感賦長句奉贈

祭酒卓犖天潢英勸學突過周荀卿園林橋莊或綠野文采  
紅蘭及紫瓊七年契濶須麋異歸自居庸飽山翠爲說飛狐  
雨雪深增余金虎山川氣吁嗟祭酒今天人明光射策張吾  
軍十年平進長國學隱然丰采高鸞麟擊奸屢破銅山賊對  
仗自讀甘蔗文紛紜牛李兩不附排觥羅致俱無因已丑三  
疏尤切直臣適病耳非乞身歲月因循足可惜憂國左徒淚  
痕赤秦虔杜門今八年萬事拋來理雙屐近游百里如比鄰  
田夫野老皆主人濯足春弄朱窩瀑看松秋戲田盤雲今年  
九月霜風厲策馬遠尋北嶽寺紫荆關勢屹金天綾羅秋水  
鳴蒼佩直上千尋倒刺山蒼顏一老溪南至君此行以溪南  
老人爲導師  
指點邊牆話夕陽經過僧塔求碑記手釋靈仙鐵板文冷笑  
秋湄蔚州志君所捐蔚州老龍堂大安二年分水鐵板折而  
爲二面背百六十餘字楊秋湄蔚州志僅載其

半蓋未覩後一段也歸來遇我黃公墟倒囊贈以青珊瑚沈樸八詠並

奇逸字字赤水呈元珠詩凡八首我言由中非面諛君才浩博今

則無九流道術盡孳討四洲形勢羅庭除有唐宰相三百餘

宗潢駱驛登紫樞胡為置君於邱壑坐令碧海驕鯨魚君不

見島兵夜走山東驛名將成擒邊事急德軍入膠州電告其主云擒其名將某某

相國真多肝食憂我曹方草游山檄還君詩卷三嘆息電音

昨報膠州失

題東坡仙游潭記拓本為王十三祭酒屬賦

早從商雜締詩盟拊背狂言意頗輕晃漾水雲尤觸忌暮年

相送嶺南行

乞竹關中十四秋悠悠潭水阻仙游西還定訪殘碑去匹馬

輕衫過石樓



次韻酬伯熙見贈

飄飄仙意識劉安國子先生復見韓詩健如龍緣有骨身輕

似鶴為無官髻容彼此非三少家國伊誰念五寒

說苑國有五寒而冰

凍不與焉一攻外二女厲三謀泄四不敬卿士五不治內而務外

一任鄴侯移病去

黃衣

孰與共艱難

意氣臧生自激揚忍看學術益妖狂委蛇仕路中無倚鑿枘  
時賢左畫方投老祗期困有粟移官休夢并生桑桑奴大有  
聰明語但得心安即故鄉

用前韻再贈伯熙

九年春夢醒槐安談士人人願識韓南學故多攜酒客北堂  
仍置寫書官挂冠神虎常稱病躡雪飛狐不畏寒有子家羈  
弗能用徒聞廊廟嘆才難

時論悠悠任抑揚老來無改次公狂  
名山十嶽歸遊記本草  
千金有秘方寂寞淮南吟  
八桂荒唐海上見  
三桑季興未是  
吾曹事或有兒生白燕鄉

倒疊前韻贈梧生昆季兼懷府主定興督部

君爲定興  
女夫東夷

之亂常避  
地秦中

憶接清塵在壻鄉南牙杯酒話滄桑  
暫拋薊苑游秦苑得見  
元方與季方俗吏敢爲非禮禮  
國人終謂不狂狂東歸飽看  
蓮峰雪意氣依然秋隼揚

三年蜀道不知難一送韋皋錦水寒  
刀筆徒能繩外吏節旄  
久已厭粗官維州失策嗟牛李  
紹聖何心詆富韓歲暮角巾  
返東路將軍應是憶任安

四疊前韻寫懷呈伯熙

鷓鴣暫揀一枝安懶聽織兒說闌韓東府有人譏媪相北門  
無意作奴官鱸香似水縈詩髻酒力如兵敵夜寒竹屋紙窗  
閒坐慣拖鞋真覺出門難

詞賦年來謝馬揚楚人惟愛陸通狂蹤由總傍無媒徑服食  
閒尋卻老方但得閉門從子柳即泄柳不須賽社擾庚桑李鼎

四脚棋盤在且盡深卮覓睡鄉

五叠前韻贈廉生祭酒

東華相見訊平安合傳真慚老共韓三載丹鉛成別史指海岱人

文六朝黃散是兼官君在國學時帳中絲竹消遲暮花底衣履權清秩

籌護早寒東馬生平俱慢世莫嗟笑口欲開難

之察日出海波揚跋浪鯨魚上下狂割地真成食葉象稱兵

亦用借根方德以徵岸稱也西邊猛將無張蚝東海遺黎避汲

桑漢使卻回煩寄語謂竹膠萊今是鄭公鄉

六登前韻贈樵翁

九州孰與致磐安嘉祐朝廷只一韓親授大人龍伯號時方使英

歸仍為丞相雁行官北史丞相司徒雁行而已金鑿語祕誰能洩玉敦盟

深未遽寒太傅豈無山澤意總緣恩重乞身難

絡繹賓僚鷹隼揚知公賴有馬曹狂和戎真茹蕤三斗論事

直穿垣一方中令唱酬惟短李司農心計亦研桑蘇門三十

年前客意外披雲在帝鄉

京邸生日示內

梁鴻廡下雨因依自撥紅麟暖壽后白髮同年有龍種絳紗

都講用蛾眉北江故宅便流寓寓廬為卷苑閣舊址南海明珠好受持

至竟鳳城春色麗風流絕勝在官時

十一月十九日同內兄攜阿頻阿咸阿瑞及蕊練兩女  
姪入翠微山假榻靈光寺七宿而返雜記以詩

北風吹雁自言寒興發重游水石間已放春秋佳日過更攜  
兒女看冬山

依約疏林見塔燈平臺沙路遠登登扣門籬犬聲如豹驚起  
南窗打睡僧

夜已三更霜滿階松枝交影鎖蒼苔仲冬十九寒生粟風帽  
籠頭看月來

白塔流鈴夜語風五更來看海雲紅分明身在鷹窠頂坐見  
金輪出地中

寂歷龍堂屋數椽老僧洗鉢雪盈顛能消幾緡看山屐飲水  
看松又七年

寶珠洞口倚危亭真覺齊煙九點青林下有人清到骨天風

環佩響泠泠大風游寶珠洞

勢如龍振抱珠來天柱羣巒迤邐開不入山門渾不見仙家

無數好樓臺廿一日游天柱山

獅窠佛院繚紅牆穿鑿山腰起步廊複道長虹三百丈亭臺

一一似阿房廿三日游獅子窠

平臺千尺俯西郊望見團營習內操略似諸天觀下界蟻人

豆馬各分曹是日御營操練憑高下視人馬不盈寸許

前朝布施金蓮炬蘇合為膏獻佛來四十九花花四照鱸香

幡影一時開廿三日夜供佛大悲寺點金蓮花燈前代物也

輕裙窄袖學唐妝直上山椒五里強便合相從關內去蓮花

峰頂著琴姜第二女姪輕捷善走

眼中犀角健於龍上到西岑第幾峰老我自慙孫討虜江東

兒女盡英雄

兒女輩皆登陟不倦

秘魔厓畔屋如舟種疊題名在上頭昔種青松今合抱見君

二十五番游

內兄題名如此

冰泉試煮紫茸香松火親燒細肋羊牽合黨陶同一傳朝朝

羔酒伴茶槍

雲鬢早暮犯西風直待僧樓打晚鐘銷盡茶煙窗有月每宵

寒燭與君同

清遊訪徧玉河鄉歸帶煙霞見北堂略仿陸郎懷橘意兩簷

寮子壓車箱

靈光寺僧饋寮內兄歸以奉母

臘八日端午橋水部招同伯熙廉生兩祭酒食粥余以

事羈不赴七疊前韻奉柬

家向徐熙畫裏安悠然會意比陶韓粥香懶供河沙佛酒熟  
兼邀幕職官余爲令常兼記室 綦禠斑絲便臥起雪窗朱火照蕭寒  
擊麀飲血都無分始信人生口福難

天上箕星不可揚泥中風絮未能狂深情送我潭千尺不見  
伊人水一方東閣欠陪焚尾蠹西還仍效曲腰桑懸知割炙  
梅花下憐我清齋住道鄉

次均酬樵翁見贈

早開東閣待朱游天下英雄屬豫州泛海星槎飛六鷁朝天  
仙仗簇千牛聲名久已傳夷落詞賦終然愛楚謳夙昔登龍  
向何許古今鸚鵡是名洲

卽今四海尙風塵底處山河有好春周歷地球歸作諾奉宣  
天語出如綸退衙公事焚香了愛士風流倒屣頻近秉廟



堂神武策苦心制馭鬼方人

午橋齋中夜話戲用伯熙語作詩奉贈

海疆烽火久陪危醉後仍工戲笑詞國老將穿臣素履家珍

猶數子丹碑

秦中曹真碑君輩至廊廡

盡收四部孤行本買斷三泉古寺

基清似梅花何水部最憐草草六朝時

疊前韻再贈樵翁

大編排風馭氣游歸來灑淚看神州文章餘事班兼馬鈞黨  
何心李與牛潦倒朱雲門下吏唱酬白雪郢中謳燒燈同看  
歐羅畫一覽公然盡十洲

疆事紜紛偪戰塵人間惟有醉鄉春南山猛虎登詩史東海  
連龍上釣輪畫接四夷陳說苦夜穿三殿奏書頻天驕欲識  
朝陽鳳誰是唐家第一人

伯熙惠銀魚紫蠅賦謝

今夕荒厨食料佳，司成歸自釣龍臺。丈夫不義爲魚餌，公子無腸是鱸材。羹豉恍同吳榜話，杯槃紛喚蜀薑來。飽頭新煮無斯味，冷笑人閒宰相才。

感事呈伯熙

虞公玉劍苦相求，鐵鹿長檣逼海陬。委肉已拚供虎噬，無裘猶復與狐謀。病深索艾嗟何及，劫急觀棋大可憂。出自北門天欲雪，解貂聊上酒家樓。

君昔提衡臨岱邦，於今歲晏蛟魚狂。珊瑚出海鬼爭攫，桃李不花春可傷。七十城留菖卽墨，三千士憶韓歐陽。明珠已乞買胡去，清淺蓬萊照鬢蒼。

柯龍巖先生鏡景圖爲哲孫鳳笙翰編屬題

冷攤昔買鏡容圖諸老標題盡國初今爲膠西留畫讚晚唐

朝士意何如

甲申歲余購得顧天成先生鏡容圖國初老輩題咏殆徧

青島如螺墮海東鯨波四面浴青銅先生身作山河影淡墨  
輕煙隱月中

伯熙疊均贈別語益蒼涼又疊前韻慰贈

何地移家得躉安四方上下孟從韓聲名闡淡惟宜酒性韻  
蕭疏不好官身付後生描畫易老逢世亂別離難爲君屢緩  
西征轡沙社詩盟不可寒

牛叢箕張任簸揚保身既哲託佯狂外交漢代無中策尸解  
仙家是下方海上斷無不死藥人間原有寄生桑桃源舊屬  
秦人地戴笠安排老是鄉

次韻酬柯鳳孫見贈

壺嶠浮沈鶴退飛膠東兵事好音稀魯儒焉避巖陳亂周轍  
將於晉鄭依精衛也知徒自苦君近有封事子規休道不如歸門  
冬酒熟姑謀樂試傍梅花一叩扉

才思平原豈患多畫灰詩就媿陰何已拚舊徑荒松菊幸有  
佳人出苾蘿畫嫵房櫳香碧麝寫經池館貯紅鵝笑他 昭

代詞章手數到人間邊與艾見書目

疊前均索鳳孫和並柬伯熙廉生

隴雁先秋嚮北飛關雲回首認依稀翠華西幸有時到烏鵲  
南翔無可依老戀卑官孤遠志病需良藥是當歸挂冠終覓  
青城隱紅杞林中自掩扉

遼陽昔歲化猿多今日東入喚奈何戰後河山尚松杏夢中  
車甲又檀蘿同盟何國非狼虎臨敵無人願鶴鵝欲取鯨鯢

築京觀亟思猛士挽天戈

題午橋所藏宋拓化度寺碑九疊前韻

賜書樓壁記橫安

翁跋云此是洛陽范氏賜書樓壁原石

景寶由來受自韓井

玉流傳在懷麓

明顧從義跋云此本得自李正文家在聖教序之陰

瘦金書法勝宜官

題眉成府紅鈴小跋尾蘇齋墨翠寒兩度延陵龔文錦兼金

秘購不辭難

帖舊為吳荷屋所藏尋入成邸直四百金後歸吳學士寶恕午橋以千金購之

人間五本極標揚

翁跋云予所見化度真北宋拓者五本無若此本之最先者此是慶曆時初拓鮑

氏本是宣和拓也

搜得遺珠喜欲狂

余在關中得王山史藏本山史在潭溪所見五本之外

舊曾藏石室谷圍原未到金方

原溪未見王氏本亦由西行不到耳谷圍蓋翁自號

為北宋千金帖知閱東溟幾度桑兵事方殷良會短南浮茅

剝是吾鄉

三篆和尚跋云余從空山師於南浮茅剝春雨初霽出宋榻諸帖共觀時院城舉燹正恐此會難再

云云今膠州事急午橋以屬題事之巧合如此

十疊前均題明板寇萊公集為廉生祭酒屬賦集為宏治開平

川王承裕刻

一為留鑰北門安前輩聲名軼范韓病腦尚書規不學拂鬢  
參政愧同官危疑社稷珠槃定歌舞樓臺燭淚寒太息王郎  
好言語君臣魚水古來難

平川前序極揄揚我亦詩如魏野狂鏤板昔成搜玉集建祠

今有點金方余率渭南為公墓田尚產千竿竹里第曾徵八

百桑香火因緣知不淺五年管領相公鄉

伯熙以往復諸作語多悲苦別賦樂詩二首見貽十一

疊韻報之

綺石承甌甌甚安雪窗佳畫賞廷韓時有人以莫是龍畫求售鄒枚同調

憐司馬沈宋詩評付上官烘出唐花龜手愈洗來宋硯鴉眸

寒隱侯句律惟三易不似陽春屬和難

北征旌旆忽飛揚京洛依然杜牧狂豈爲鶴書徵赴隴恰如  
鹿躡遠參方風光太液舒人柳謀議西秦待子桑好積樊嘉  
五十萬秋風覓取木奴鄉

雲門同年來都倡子和汝語率悲苦雲門昨有詩見慰  
語意深至余恐別後之念余也乃五疊前韻作樂詩  
二首石湖田園樂天閑適古人亦有不得已者乎

盛昱

深居讀易小樓安

俞玉吾所藏周易  
單疏有讀易樓印

偶復箋詩較魯韓

食料銀魚還紫蟹門童青士又蒼官壁間九九海痕豔  
雪後雙雙鶴羽寒消受屏帷多少福歲闌乞米不爲難  
少年一夢懺維揚泪水揮泥老去狂疊石成林樊荀法

隔年蓄雪養爾方閒看兒輩分梨棗傳寫詩篇費楮桑

興到短衣看射虎西山山下玉河鄉玉河鄉在蘆溝橋北

十二疊韻題司馬温公耆英會圖為念初尙書屬賦

藜杖深衣氣體安一千年後得瞻韓論年遂定尊卑次題款

兼書拜罷官前輩圖形祁國在指五老圖後來傳笏益公寒宋孝

相周必大嫌其貌瘦有老內侍曰必大甚似司馬光周遂入相由來此會誇真率不比何曾

下箸難

星緯連珠聚洛陽香山九老共疏狂詩篇略帶頭巾氣賚予

休論面藥方南渡分攜逃劫火温公裔孫播遷越中名山藏弄念維桑

球圖今落尙書手魂魄何須戀故鄉此卷舊藏陳水書院

東坡生日張尙書招同伯熙廉生兩祭酒午橋水部集

鐵畫樓為余設餞卽席賦詩贈別十三疊韻奉呈



宿斗才名百不安大蘇磨蝎甚於韓乍辭練副來中禁爲陟  
羅浮愛左官奏事漫從奎宿後戰詩猶似雪堂寒明年又是  
春明別須信人閒此會難

身世浮危氣不揚故人都滅向時狂多言實受文同戒集驗  
虛傳沈括方伯照近耽醫理終古離情傷折柳一重公案了爭桑公  
應南海爲湯沐我望眉山是舊鄉

質廡爲洪君亮吉舊宅樹石幽勝先是徐編修居此繪  
北江舊廬圖徧徵題咏十四疊韻奉題

卷施閣向此中安自負詩才李與韓名士說經仍妄語洪工而經學甚淺  
翰林言事亦侵官騎獅淮左眞風漢策馬天山犯雪  
寒往日吳人謗前輩近來欲得此才難

花氣互悠揚曲檻疏簾戲蝶狂兩面虛廊行藥地中間

暖窖養花方貧來供鶴惟官米歲後分糶課女桑十丈軟紅  
飛不到可知陽羨是家鄉

重有感十五疊韻呈伯熙

昨從秦隴召陳安籍甚威名擬白韓騎馬金門穿細仗射雕  
沙積本粗官夢中大婦應身熱戰後西人可膽寒開府平陽  
建旗鼓登壇莫謂將才難

輦路鉤陳衛戚揚西巡欲避烏兵狂兩都賦久誇秦時五子  
歌仍念冀方終古 大清傳邾鼎如今長白是樓桑四方猛  
士櫻心否泗上真人愛故鄉

京邸除夕十六疊韻柬伯熙

酒暖餽香夢亦安諸姨饋歲有秦韓花巾綠萼爲佳耦火裏  
青蓮現宰官彩勝桃符循故事簾衣鏡幙護新寒紅閨兒女

奢於我盡佩珠犀與木難

無意明廷共對揚交游多似竹林狂賦才江左題鸚鵡文字  
河東送畢方尙有風懷同小杜欲將道術問長桑維駒今夕  
從君詠明日明年適樂鄉

次韻酬樵翁除夕見寄

清詩早供法家龕除夜傳箋抵面談才薄自憐餌魚蚓速飛  
那羨化蛾蠶蘇門奇茗分涪叟儉府紅蓮映柳悵歸去關中  
課桑麥薇良能不愧張堪

肉食何人與國謀

成句

司農胸鏡照歐洲大文已悟冥頑繼萬

里思馴浩蕩鷗寂寞荒臺無駸馬沉吟野渡有橫舟東坡生

後剛三五獻壽爭擊碧玉甌

孟頫初四為公生日

戊戌元旦同壽平觀劇十七疊安揚韻

舞臺歌榭盛長安爲聽箏琶張詣韓漫以樽輪媚公主似聞

長笛賽婆官催春鼓打紅腔脆救日弓彎白羽寒是日一十日食

五年重顧曲霓裳同聽亦良難甲申元月與君觀劇今十五年矣

年少歌樓意氣揚卅年閱盡柳花狂伎師大有雕青手子弟

都無換白方戊辰所見諸伶令皆老矣辛苦天魔散花兩徘徊思婦怨秋

桑歲朝行樂無愁思物我同嬉仁壽鄉

登鳳笙韻酬伯熙除夕見寄

漫演羲爻問伏飛近來朝隱似君稀周公負屨真狼跋鄭國

於人學鳥依綺皓山中觀鹿走風波江上羨牛歸春明意外

逢今夕煨芋鑪頭閉竹扉

累人婚宦老來多無復風標競阮何分歲祇宜澆竹葉移家

真欲傍松蘿君散館詩有松蘿小寄家之句妻賢勸綬王陽馭客俗休烹逸

少鵝又見紫宸頒福字有人香案補虞戈

梧生云伯熙將見過戲書

棐几鋪藤紙琴牀置茗杯預求張武筆明日子瞻來

春初卽事十八九疊韻邀伯熙鳳笙同作

容膝精廬果易安春來孔樂莫如韓曲名婢記紅娘子戲具  
兒堆火判官搏就泥牛珠絡細養成金鯽水晶寒勾留花市  
兼燈市不識人閒行路難

京師服製效維揚窄袖輕衫閱市狂畫筭金題雜眞贗茶資  
白定各圓方伎衣豔比金絲柳車蓋高於羽葆桑北際南垂  
求避世海王村裏是仙鄉

曲房髮几石盆安花出姚家樹姓韓藏窖新冰由闌吏堆槃  
生菜問園官詩吟人日催春近燈先去聲元宵鬪月寒我是秦

人解素語佛家歡喜屬阿難

十幅吳帆不可揚  
菰羹誰慰季鷹狂  
珍珠米貴分天庾  
琥珀糖新出尚方  
舊玉陸郎刻蘇蕙  
廣圖承旨畫柴桑  
皆近日怪所見  
他童稚親風雅  
每閱書攤不憶鄉  
兩見日遊嚴肆

春興二首四疊鳳笙韻索伯熙和

十見都門柳絮飛  
余居京先後凡十年  
靈和重過昔人稀  
清游每與仙

源近禪誦還於佛  
火依絳樹歌中憐  
夜短墨梅畫裏看  
春歸

曉寒如水香衾重  
卓午纔開竹裏扉

為報春來逸興多  
平章圖史飲無何  
文家下品吳林蕙  
畫筆

中鋒沈補羅銅陌  
身騎經進馬  
去年陝西貢馬余二騎俱中選會額溢發還  
祇園

妻蓄放生鵝西河  
女弟能言語未敢  
輕操入室戈

飲酒二首二十疊韻索伯熙和

瓢杓杯鐺到處安豈能愛趙復憎韓樓臺幾見更新主傭保  
粗能識舊官解屢登牀腰褥暖出門騎馬耳衣寒與君盡醉  
胡姬肆來日何嘗覺大難

風裏河橋酒幔揚出城來餞四明狂飛花卽是朱虛令搗麴  
爭求白墮方燈蕪紅蓮元夜火甕浮紫葢隔年桑行歌燕市  
猶無恙可惜人閒鄒魯鄉

二十一疊韻贈伯熙

三公誰解用袁安玉牒書名比應韓弟畜楚金談小學謂小  
名呼宋玉作荷官極知龍臥南陽穩休聽龜言此地寒日下  
稱詩今獨步誰將居易換居難

意園換歲柳枝揚接引荆高作酒狂夜乞風姨報花信朝餐  
雲母得仙方天淚緣到王孫草牆下青迴帝女綵更乞十年

畢婚嫁與君同覓白雲鄉

齋居效放翁

松扉無事日常關  
人海何人似此閒  
清濁酒分牛李黨  
早遲花避尹邢顏  
簾波有意留香篆  
鏡袂無情障遠山  
飯白蔬青魚又熟  
誰能催赴閣門班

酬繡漪秋江兩女姪贈別之作

密親王謝聚長安  
新得昭華及佩蘭  
伏女傳經斑管在  
程門立雪玉釵寒  
掃空胭粉書中坐  
當作明珠掌上看  
花樣翻新種桃李  
一雙小鳳在雕欄

絳帷俠侍夜連晨  
事我由來比事親  
願著木蘭男子服  
自憐香茗女兒身  
但將紅淚酬師賜  
不把青驢看世人  
此去渭城萬楊柳  
翠眉爲汝盡含顰



次韻酬樵翁人日見寄

常侍聲名第一流，題詩身在古幽州。  
一夔玉立金華殿，百石風高鐵畫樓。  
交自布衣情不淺，感深國士報無由。  
周廷召虎今無恙，敢向西京詠黍油。

元旦日食二十二疊韻和伯熙

漫將近遠較長安，亦異塵戈魯戰韓。  
天子周正新受籙，羲和堯殿愧尸官。  
樽開白獸忠言少，鏡夾黃人暮色寒。  
誰遣太陽似初月，黃瓊欲蒼詔書難。

正旦金鋪罷踴揚，星馳誰謂百官狂。  
龍銜斲夫光明燭，虎拜仍遵福德方。  
雞燕依然偕粉荔，麒麟先已鬪扶桑。  
烏輪好向虞淵洗，莫遣浮雲蔽帝鄉。

正月十一日同伯熙楮生閱廠肆抵暮劇飲酒樓夜分

始敬二十三疊韻索和

梁殿錦篋寺廊安富豔居然敵魏韓海上珠人占寶氣祠中

玉女從真官

厥前多貴游

陶分哥汝千金貴料品辛袁五色寒便

作賞花釣魚宴解龜沽酒未為難

御我車來喚步揚金吾當恕醉人狂菜挑七種釵鉤細茶試

頭網帶鈴方對酒掠鬚茁春草

明人詩春草明年茁鬚載

看書洗眼淪冬

桑清言祇覺良宵短不識華胥有睡鄉

二十四疊韻上仲華相國

欲措神州泰岱安堂開畫錦孰如韓遭逢魚水君臣會出入

麟臺將相官金梳門庭深雨露紗籠溟漠護風寒貂蟬果出

兜鍪後百戰勳庸自古難

花光繞座極溶揚每以春風煦楚狂冰鏡懸秋無障駭玉盃

李山房集卷四  
范水自圓方難爲管子百年樹猶戀浮屠三宿桑始識黃滔  
感知己絕勝朱邑愛桐鄉

再答繡漪

謝公庭樹映朝霞嬌女依依似左家候茗不差二三水授經  
小障一重紗金釵壓鬢銜雙鳳衣領通身繡百花若仿廬陵  
修史例義兒傳裏有昭華

正月十四日立春樵翁尙書枉招說餅卽席用人日見  
贈韻奉呈

令節金車似水流蔬香餅軟住 皇州春盤翦韭同工部村  
擔攢眉異子由紅燭夜搖招隱館青旂風轉望仙樓酒闌洗  
手開佳畫未敢輕污寒具油

十五日午橋昆季招同廉生伯熙會飲清言達曙午橋

復出四詩見示二十五疊韻奉酬

龍尾聲名管幼安醉中戟手說三韓  
荒唐秋水人間世潦倒春風本分官  
鄰酒過牆三雅馨苑燈如海六鼇寒  
烏衣羣從皆才俊不獨升車有二難

芟除語孟況荀揚新法通行舉國狂  
持節誰為昭信使磨金爭覓辟兵方  
相傳京朝官多以金幣付西人保險  
黑河有水蠶窺葉彫日無輝雉在桑  
欲得綺園借隱地紫芝煜煜是何鄉

次韻酬樵翁見贈

新來園令倦游梁卻指桐鄉作故鄉  
為愛桑麻依鄂杜忍拋蕉萃換姬姜  
霜鐘隱隱催長樂雪柳垂垂別未央  
此去駱丞成獨寤最難分手是王楊  
謂廉生伯兮  
尚書舉酒話雲邁坐見飛囊滿玉河  
歲晚蒼松須自保天寒

黃竹不成歌同舟遇溺心猶異覆局論棋口更多省得未衰  
先老意祁公霜鬢任消磨

車笠交情厚可知黑頭王掾在相期萊公座客原名野謝傅  
同游道姓支魏絳功成兵暫解楊朱泣後路仍歧西還細數  
春明夢親見轅門射戟枝

龍興虎視說關西佳氣中南望不迷玉斧近能畫疆守大黃  
遠欲射潮低崑崙有水知難渡太華無山可與齊千古帝王  
垂拱地至今三祝有遺黎

臘月十三日得雪雲門將返秦中賦詩留行並簡仲華  
相國伯熙廉生兩祭酒

油幢計日度河梁臘雪飛花滿 帝鄉近起東皇祠太  
一便從西笑望香姜函關紫氣春增煦京邸清談夜未

央惜別情懷逾借寇聲華無待賦長楊

相逢空復惜繁邁潦盡丁沽初凍河萬國兵前偏展別  
千門雪後好聞歌長安日近城烏暗海外風傳市虎多  
耐得華山酣睡意勞生漫笑命宮磨

渡口仙舟未可知隗臺春酒重相期金莖珠露清如拭  
織女機絲冷不支驢背壓肩皆舊作驪歌和淚在臨歧  
銅駝街畔燒鐙夜可有閒情譜柘枝

嚴城臘鼓計車西騎火桃林路不迷青草岸邊蛟色盡  
芙蓉洲外月弦低祇應精衛工填海未必爰居亦祀齊  
他日相公勤遠略淋漓碑頌待昌黎

月汀都轉陳臬山西二十六疊韻奉寄

博辯襄陽敵道安法書白石擬申韓繡衣玉斧真天吏金鼎

鹽梅有世官紫柏看雲賓從少長蘆釣雪髯絲寒南牙夜啟

頭魚宴髣髴洪都併二難

去年十一月余與伯照訪公長蘆監院

鸞書且下錦鏢揚三晉遺黎喜欲狂千里斜飛趨上黨

運臬同品

故以斜飛為喻

舉朝正諫憚東方烏臺獨立吟修柏赤狄何年敗采

桑今日太原非重地襦裘真主莫思鄉

樵公疊伯照韻紀立春之宴二十七疊奉酬

幾聞杜宇叫雲安未警春雷莫笑韓鸛鶴舞將儒作戲鳳皇

燈效鳥名官金吾扈輦排仙仗

是夕祀天壇

玉女薰衣辟夜寒明

日罷朝從晏起東華清暇得來難

紅鑪翻餅火初揚敢捨明公效古狂夷甫諸人寧免責腔

七聖總迷方填胷時事悲酸繹滿目饑人盡鬻桑又是下邳

桃欲萼脂車歸覓寇公鄉

伯熙贈詩有榜中落落三才子海內錚錚七品官之句

感賦二律呈伯熙兼悼慧生

紅梨同甲總華顛反覆瑤篇一喟然蕊榜才名三子後蓬山  
輩行十科前桑田變後應無海杞國憂來尙有天檢點金魚  
衣笥裏春寒賸抵酒家錢

玉貌周郎蛻骨輕十年芳草繡琴城珠拋燕子樓中淚詩抵  
麒麟閣上名半點半癡違世好一生一死見交情顏回好學  
曾無命愁絕人閒魯兩生

正月二十日廉生伯熙招飲酒樓賦呈一首

柳邊風笛促歸秦惜別憂生老更親鏡裏山川乾淨土醉鄉  
日月奈何春讀騷未便爲名士飲酒將焉用聖人盡變秀才  
作夷隸同時馬范要扶輪



書憤呈伯熙鳳孫二十八疊韻

上書幾輩效嚴安道統於今廢孟韓不少煮金囚怪客更多  
惜死愛錢官時無虎豹重關豁除卻貂狐舉世寒任爾拖腸  
呈五技終然鼠子上天難

夢囈猶云我武揚飲江誰禁佛狸狂徒聞上將誇神策無復  
高宗伐鬼方九府泉刀半空紙諸夷茶市誤溫桑中原赤子  
飢於朔地寶全輸魍魅鄉

用樵公韻作看燈說餅二詩呈廉生伯熙午橋

萬點春星照碧琉璃世界帝王州踏歌魯令來于菴警夜  
金吾用仲由天祿閣中誰卓杖桃花寺裏記登樓

元少伯熙談桃花寺

盤事之盛

金錢買夜徒虛語久乏安南蘇合油

右看燈

說向蕭齋又酒樓千層疊雪賽真州映來湘帙瑩於紙點入

青蒿滑勝油啼到婆焦如夢醒畫成名士亦風流晏殊食比

齊賢少半餅拋殘不自由右說

伯照作俳體詩二十九登韻奉和

琉璃市裏小巢安座上劉勝平胯下韓原詩有西劉寶劍青

萍酬內翰廉生得成南塘寶刀徧微題咏獄詞紅豆判秋官崇古山房盜賣

刑部鞫治霜華消盡鬚囊暖煙草聞多鼻觀寒莫笑文昌雜

詼氣近來詩史似君難

閒徵近事互游揚評酒觀茶醒亦狂詩裏困媒由倒刺君歸

刺山以紀游入詩見示勝以小書中雞鶩愧翁方謂余書似

筒云此詩固也倡和蓋自茲始翁大興閣名待署拔心草寓廬為卷施關故壺款須鐫連理

桑陳曼生所居蜀主曾言此閒樂莫因菰菜憶鱸鄉

廿三日再集疊次字韻

縱橫辯舌騁儀秦捉塵悒悒最見親千萬人皆稱俊傑經濟科開  
 千進二三月不算陽春陽春二三月古樂府句也東洋收燈  
 者眾續款以三月為期今尚無端緒  
 風落金蓮子病渴湯煎蜜杏人今夕玉山筵上醉驪駒明發  
 促雕輪

再為俳體詩呈伯熙三十疊韻

景教流行意不安豈徒時藝薄方韓沙門推倒拈花佛銓部  
 惟除納粟官鳳尾龍頭冠樣古乾嘉間暖遠山近水桂材難  
貂鞋向有遠山近水之製嘉慶間禁勿作潘文勤知其名而未見也會午橋奉使吉林屬覓一襲吉林縫工無知者最後一老縫人自言能為之索值于金午橋初斷而後許之衣未製而老縫人死此鞋遂成廣陵散矣衣纓苦守  
 乾嘉舊祗合詩中一世寒

特科選士各飛揚望火遊神意態狂諫院文章光祿酒秀才  
 經濟太醫方會開強學真陳許議鑄先零卽孔桑西法大成

三百卷一時紙貴徧城鄉

聞坊肆有此書余未之見亦不知其卷數言三百者舉大數也

胡石查司馬

義贊

自浙中罷歸僑寓都下余欽遲廿載

卒未得見瀕行奉贈二律三十一叠安揚韻寄之

柴几風簾筆硯安詩箋羅列魯齊韓一生稷下談天口五品

江州寫意官蓄畫已過倪瓚富論文不薄孟郊寒

十年前先生

人許見余詩稱嘆不置

夫之未接亭林席自昔通人識面難

身世前沈必後揚羣兒誰復得卿狂賃春舊是公沙穆閉戶

今爲田子方結客重聽燕市筑歸田教種浙中桑樂天拋卻

杭州去別有春風筍蕨鄉

兩女姪不忍言別以詩慰之

繞膝眞同愛子看臨分老淚灑春寒羅巾怕繡將離草畫像

攜回並蒂蘭

篋中有二女照相

常以平安相慰問莫因遠別損眠餐

三年漢最趨朝日  
煮茗韜光拾墜懼

臨別再贈

欲賦西征屢緩期  
今朝手贈是將離  
徒添愁病休耽酒  
若報平安定有詩  
別日預詢重見日  
去時祇似未來時  
藕花經裏尋生活  
莫對明鐙輒轉思

樊山續集卷五

恩施樊增



朝天集下

正月二十八日出都三十二疊韻寄伯熙

莊生栩栩夢魂安此蝶前身不姓韓天際真人誰似爾山中  
宰相是何官閒門柳眼迎人暖小閣茶滿煮夢寒我已經年  
騎戶限入來終較出來難

蘆溝曉月玉鞭揚禁得春風似虎狂春粟近辭高士庶采苓  
遙指美人方馬前童子紛騎竹蠶月詩人待伐桑得似陶公  
門巷否渭城亦是柳絲鄉

正月晦豆店遇雪

天際油雲一色同裁冰初試剪刀風花飛駝褐茸裘上人在

羊脂玉盒中小雅哀鴻餘涕淚  
棄年老鶴自毳毳忍寒暫駐  
青油憶記買梨花豆店東

過方順橋再疊前韻

夢裏青山尚挂絲南來勝異苦相欺  
衝殘鐵雁關頭雪吟瘦  
金蠶集裏詩地迴未瞻堯母像  
時危須仗國僑詞古稱燕趙  
多奇士大不如前市駿時

出都之前一夕偕午橋伯熙飲同豐堂夜分始別途次

三十三疊韻奉寄

暖閣聯吟石鼎安軒轅道士寓言韓尙遲  
太學稱三老懶向  
西園伴五官紫陌有花宮錦爛高樓無月夜  
珠寒浮名浮利  
拋俱易舊雨分攜始是難

午夜華鑣分道揚宣南留得兩生狂  
集募南宋精雕本  
時擬刻酬

集酒覓中山不醒方他日烹魚尋尺素前途立馬看斜桑故人終不爲香燕關內原非寶玉鄉

正月晦過定興謁滋軒督部於里第三十四疊韻奉呈  
一个臣將社稷安竇獠猶憚侍中韓天教雪嶺橫西面人望  
乖崖復故官匹馬來朝金闕迴三軍揮淚錦江寒過家上塚  
流連易恩重身輕去住難

吐氣青雲眉暫揚桓公欣見孟嘉狂蠶叢久以嚴韋重龍卧  
還將管樂方能耐歲寒松共柏不忘恭敬梓兼桑故家喬木  
知誰並理學文章魏柏鄉

真定懷古

層城樓櫓鬱嵯峨四戰河山感慨多積雪驢羊歸井口朔風  
披靡下滹沱一杯豆粥興光武三世松楸保尉佗奇絕子龍



一身膽未滅國賊恨如何

保陽道中三十五疊韻寫懷

魚遊沸水豈能安遶瀆危疆接弁韓草草牛驢誰結陣紛紛  
麀鼠盡求官馬羣散盡隗臺冷劍俠長稀易水寒滄海橫流  
憂不細敢從百里說繁難

北風斗起朔雲揚南去頭皮爾許狂涿甌起洩便腹果定蕤  
蓄藥點瞳方甸師自課原頭麥春女猶歌陌上桑自古雄人  
生末世英風吾愛趙佗鄉

鍾子琴編修枉詩見贈三十六疊韻奉酬

繡虎詩名歷建安說難才氣軼諸韓能爲盧駱當時體肯作  
荆舒改後官中表漢家龍種貴南飛江渚鶴聲寒老坡五載

黃州住莫謂斜川定省難

尊人方  
罕庶成

詩家根抵出班揚句律清新白也狂淺絳山容眞畫手純青  
火候好丹方風神思曼當年柳別意漁陽夢裏桑生長楚中  
能楚語由來屈宋是同鄉

雪夜由定興至北河

統如樓鼓已三更車載袁安卧亦行晝夜顛冥銀海眩乾坤  
俯仰玉壺清馬行冰上重狐迹犬訝燈來作豹聲贏得妻孥  
温酒待函烘溼絮進香羹

憶北江舊廬

綠井春風畫揜扉北江池館未全非詩從茶熟香温品人在  
花前雁後歸欵段出都常緩緩螟蛉有子况依依南來十日  
春陰薄惆悵紅棠信息稀

阿咸念都中戲劇不置作觀劇詩二首三十七疊安揚

韻

伶倫都向樂營安潭水何年賜姓韓

伶人多住韓家潭

謩姐歌詞由

內製弄兒祿料視京官錢支百萬胡琴貴杖打干雙羯鼓寒

小試叫天歌一曲空同不作解人難

有小叫天者時稱名伶

廣場眉黛宛清揚蜂亦溫存蝶亦狂潛氣攀成轉喉調忍饑  
學得細腰方折殘小玉關前柳採遍秋胡宅畔桑竿木逢場  
只兒戲犁耆原是幻人鄉

車中雜憶都門近事記之以詩

九遠冠蓋日縱橫甲舞丁歌滿鳳城燕女吳裝輕似蕪蘇人  
京語美於鶯市多鼠璞千金索城被蛾眉一笑傾獨與竹林  
二三子拍浮酒盞話平生

厥甸嬉游換歲初舜華顏色女同車腰鞞半繡桐花鳳耳墜

雙銜柳葉魚眉嫵畫從京兆始服妖拾得大秦餘

近日衣裳緊狹多襲

洋家家裝束隨時世正坐都人讀怪書

肺腑親賢輔政勞易名怡府共榮褒漢園聚議煩歐馬郊鼎  
長綬倚爽高斧鋸近聞泣銀杏弓刀前枉賜金桃 聖明骨  
肉無嫌忌竝議憂危陋爾曹

黃白爭誇採煉工十人蟻聚熱河東侍郎招寶知何益校尉

摸平金可有功禁地幾曾圍竹虎行宮頻奏打松蟲山川寸

寸皆穿鑿無補司農國計窮

稅司郵政日紛更萬里中原草木腥漢幟爭看龍倒挂倉書  
欲變驛橫行尙方有劍當誅卯比戶無錢想拔丁經濟科沿  
鴻博例鶴徵後錄幾奇英

驟臨清華講幄高馮依力士復楊劍蓬蓬茅草燒天起岌岌

冰山見眼消運去山中求石炭時來獄底脫金標延清虎子  
今無用愁望蘇臺萬里遙

蕊練二姪索書素冊途次寫寄

富門積雪立玲峴雅慕西園翰墨馨背誦宮詞依玉案手鈔  
女誠上銀屏春風綠蕙浮光采仙露明珠見性靈斑管最憐  
妃子淚花箋多買女兒青閑燒甲馘成心字小折丁香供膽  
瓶古錦替裝湖水帖泥金索寫蕊珠經新翻眉樣諸姨效解  
唱盲詞大母聽詠絮有兄同筆硯賣花無姬到閨庭淨淘槐  
葉溫兼冷薄飲梨花醉易醒縹碧書籤防蝨蝕琉璃杯犖忌  
魚腥春遊好待花生日夜坐同看柳兩星寄與新詩珠百琲  
海棠時節古郵亭

三十八疊韻寄伯熙

欲爲有宋保臨安名將誰當岳與韓宰相面藍先誤國山人  
衣白久無官三甥謀鄧憂臍噬百里歸秦念齒寒漫把金甌  
擲孤注用兵從古貴知難

絕島鯨魚氣剽揚吾曹誰效阮生狂任稱市隱稱朝隱不覓  
仙方覓睡方成爲聖人師驕柱史任天下重效空桑妄人妄  
語傾京邑我與君名不出鄉

宿邯鄲作

仙家頓悟由來少朝貴憂勞自昔然我怪盧生太僥倖睡爲  
卿相醒神仙

將相崇班立玉墀五更入內尙嫌遲是誰解作遊仙夢直到  
黃梁飯熟時

簾角纔生月一波擁衾欹枕意如何荒廚未著沙鍋米祇恐

宵長夢更多

窗紙吟風屋瓦穿桐油鐙枕照無眠嬌兒美睡紅衾底乞汝  
功名四十年

國士橋

中行氏滅別擇君待以眾人報以眾人韓魏反戈智伯死待  
以國士報以國士君臣義不論報施反顏事讎豈其宜橋亭  
一客坐搖手君見識時俊傑否君不聞漢恩自淺胡自深明  
妃樂在相知心又不見昔爲桃李今冰雪綠琴絃爲相如絕  
君不聞商阿衡就桀爲草芥就湯爲日星又不見齊管仲事  
糾如犬馬事桓如龍鳳膠鬲微箕從周去殷百里由余欵關  
入秦漢有淮陰及黥彭唐有王珪及魏徵大都事闇君則敗  
事英主則成感恩知已不可誣飲水冷暖心自殊楚國桃花

不效綠珠死都尉鴛鴦寧似蘇武愚我聞客言一絕倒不忠  
之臣失節之婦皆大好西山那得採薇人臺閣盡爲長樂老  
嗚呼宣尼不作夏用夷綱常九鼎懸一絲夏姬視夫如傳舍  
寧喜視君會不如奔基君臣大義今已矣文官愛錢武惜死  
不走卽降了無恥藉口中行與豫子客坐不讀中國書春秋  
書盜爲怪迂事有大於餓死者節義豈可一日無身爲臣子  
何恩怨同戴一天何貴賤君不見補鍋匠與葛衣傭抵死不  
登貳臣傳

前詩有爲而發於國士橋本義未盡也再賦此篇以謝  
豫子

豫讓橋北望荆軻里白日蕭蕭七首寒督亢戰地荒荆杞豫  
讓橋南望施全廟將軍護法比韋馱鄂王玉姬應含笑三賢



李上卷之三  
劍術同一疏報讎不獲身醢菹南北千餘里後先千餘年白  
虹一道豫貫燕忠臣義士若珠聯讓乎讓乎爾尤苦爲暗爲  
癩形軀腐豈期天意祚邯鄲大事不成徒畫虎秦皇繞柱將  
無同太師馬驚亦其伍發憤大呼水逆流玉衣三擊當復讎  
引刀右自搥其喉臣枉漆身君漆頭至今碧血光浮浮風雲  
慘澹邢臺秋趙無卹胡不仁磨笄山下無復手足情駐馬橋  
南國士殺其身讓乎讓乎同時不如輒深里後來更愧龐娥  
親拔劍肯與項莊伍起塚盍與嬰離鄰吁嗟乎春秋書盜爲  
垂誠游俠終爲史公愛卅年來往燕趙間烈士悲歌殊慷慨  
回頭長揖白衣人詰朝更斫分屍檜

二月十一日新鄉道中遇雪三十九疊前韻寄都門同

好

引被蒙頭王子安  
氈裘毳幕學呼韓  
坐於鑪火成溫伯  
去我頭冰亦冷官  
碾玉爲塵天女戲  
斂金買炭貴人寒  
提壺且盡今宵酒  
行路休辭來日難

鳳城花絮亦輕揚  
應念西征走且狂  
靡血飲教雙耳熱  
馬蹤焉得四蹄方  
寒深究脚燒枯韋  
擊重牆隅折朽桑  
明日花朝今夜雪  
計程知我迤新鄉

四十疊安揚韻寄伯熙

曾記前生聚理安  
綺情誰復託溫韓  
仙心玉洞尋松子  
生計江鄉問橘官  
千里相思雲樹迥  
幾時閒話水天寒  
尋常玉盞蒲桃賤  
客裏茅柴飲亦難

茫茫禹跡畫徐揚  
重困東南島客狂  
朝有楊炎唐稅兩  
法行安石宋田方  
牛雖罷鬪猶殘竹  
鷄不懷音但食桑  
絕好松陵

煙水地坐令皮陸怯還鄉

途次見高麗人詩碣有感於三韓近事漫賦一詩

鴨綠江寒國步危三年俯首事諸夷長秋剝刃夫妻別南內

聞鈴父子離孱主不如鸚鵡子圍城猶唱鳳凰兒韓人積弱

綠風雅冷笑皇華刻石詩

韓人好文不修武備故云

途次雜詩

不許春光上柳條漫天冷絮作花朝鶴棲羣玉山頭樹虹卧

明珠浦上橋

四溟韋帶客諸王遺墓堂堂峙朔方元美于鱗絕交後知音

千古一徐坊

橋生近刻四溟全集

東臯小麥淺於苔斗麪千錢乏餅材南市攤頭鬻寒具持來

堪作女郎釵

途中買徹子甚細

仲春十日不曾晴馬度冰河玉有聲忽憶京華一惆悵花期  
前日女兒生

雪屋呼燈月墜西馬通平砌踐成泥南人土筦何曾慣白板  
支牀藉虎皮

春寒如水夢悠悠闔閣何曾識旅愁苦被花冠催喚起五更  
然燭照梳頭

車中美睡穩於舟早暮加餐酒味柔成就耄康十分懶裹巾  
一月未梳頭

兒女青紅事遠遊飯餘歡喜話燈篝虞初九百從頭說絕勝  
瑯琊孺子牛

緇鑿深幽句欲仙松陵酬唱擬唐賢老夫難免王袁笑疊韻  
詩成八十篇

漁洋隨園昔  
不作疊韻詩

馬上吟兼枕上吟龍蛇四壁網塵侵憑君莫作詩人看中有  
唐衢一片心

往年燕邸共琴尊前有孫陶後沈袁近刻朝天二三集齊名  
惟數盛王孫

趙州八十始行腳我年七歲南浮湘十度趙州橋上過腳跟  
真帶九州霜

過招賢鎮望孟縣作

社後風光雪後天遙遙雞犬隔前川橋亭一半遮黃柳城郭  
無何隱綠煙隴畔人攜青箬笠泥中馬惜錦連錢縣南九曲  
崑崙水安穩春帆勝去年

雪中效曹唐體

剖判鴻濛畫九州極西葱嶺玉光浮一番盤古初年雪纔有

天山便白頭

天開一幅北風圖  
銀海空明玉樹疏  
可是麻姑擲珠後  
桑田都種白珊瑚

白玉城開好戲場  
九天環珮古宮裝  
仙官催進霓裳舞  
隊隊銀鷺白鳳凰

崑崙終古玉醴醴  
酬和姬王亦費才  
黃竹幽蘭太淒苦  
至今八駿不重來

青帝平明倚玉樓  
尙衣初進翠雲裘  
侍臣奏罷春寒句  
敕賜詩家第一流

雪夜虛皇發御題  
主文奎宿擁朱衣  
一篇禁體梁園賦  
多少仙人曳白歸

竹宮天子玉漿寒  
甲夜登臺倚素鸞  
省識人間金磅貴  
露莖

都換冰精盤

瑤池阿母醮仙曹  
五色雲中架玉橋  
小小青童嫌日晚  
金鞭橫擊白龍腰

夜火通明熟九微  
奇鷹玉爪挾霜飛  
銀麀縞鹿紛無數  
知是金神羽獵歸

羣玉峰頭一抹霞  
白鷗繞樹鷺翹沙  
仙娥應接真無暇  
處處唐昌玉蕊花

素手親烹雙井芽  
書生貧相坐相誇  
仙家祇飲三危露  
奴視人間雪水茶

貴人生未出京華  
暖閣烘鱸味雪茄  
太西煙名豈識道人雙鐵腳  
雪中來往嚼梅花

河南道中

輕帆昨已渡河麋馬上行歌日正遲麥綠漸敷霜後毯茶青  
微展雨前旗地當洛下饒花處天似江南上塚時舊隱不歸  
歸渭上祇應關柳最相思

張茅道中

馬度峭灑力不勝峰迴路轉見郵亭龍逢墓草春前白熊耳  
山光雪後青濁酒消寒嫌市脯軟與尋夢警馱鈴漫緝韓集  
吟山石世路崎嶇已慣經

宿新安

地仄人煙少天寒草樹迷簷封三日雪石爛一城泥馬草當  
門剉雞窠讓客棲旅餐何所擇生菜雜鹽醢

十九日石壕遇雪

兩旬三見雪僕馬半虺墮風髣花吹滿冰鬚酒熨開柳迴青



眼傷山戴白頭來張蓋函關上茲游亦壯哉

邯鄲道中兩見門人何生和余磁州之作輒書其後仍

用前叶

尋詩粉壁掃蛛絲未覺邯鄲故步移野店春寒一杯酒雪中  
猶似立楊時

客秋涼煞鯉魚風落榜情懷敗將同何日穀城從去聲松子一  
枝筇杖倚仙蓬

渡河

河上春帆十幅強俄登南岸整驛綱回頭已失鉤盤水立馬  
中原看太行

二月二十日硤石道中遇會試者戲贈是日舉人覆試

棘屋揮毫正及時計車今始嚮東馳在山遠志曾相許執玉

防風獨後期夏后松楸憐雪擁嶠陵雪深數尺春官桃李惜花遲不須更待天門榜二月先吟落第詩

潼關城樓春望

雄關四扇竦峻嶒攬轡來登最上層朝日自明仙掌露春風未解大河冰西望武帝通天表北指文王避雨陵渭上有人占紫氣青牛老子謾停騰

旅興

東風吹霽雪雲開兒女啾啾慰老懷蘋果舊煙甜近俗松花新茗澹逾佳長安近處燈花喜大士生朝瑋瑋齋三百青銅聊換酒未須謀婦典金釵

伯熙臨別和余人字韻詩益憤痛四五疊韻慰答余先

世備宿衛久家傳禮儀服食並同國俗故次章及之

依然銅墨返三秦蕊榜同年子獨親李杜漫悲天寶事白劉  
同看會昌春閒傾縹碧梨花酒老閱黃紅棕色人  
夷棘怪  
論如此赫  
赫炎炎總灰滅廢興從古迅鸞輪

七葉兜鍪起隴秦情於長白最相親玳公宿衛陪禽父老噲  
橫行蕩奉春 國史大書青海戰家風全似曼珠人與君同  
歲爲兄弟願學虎彌左建輪

西還

子規聲裏趨西還黯淡青袍雨雪斑一卷詩添蠶尾後百年  
身老馬蹏閒朕攜漢帝微時劍莫買時人知處山重檢登場  
舊衫笏一生難得是蕭閒

寄伯熙勸其著書

匪兕真令吾道窮拍浮日在酒杯中寄居人海爲壺隱筮得

天山號遜翁師尙父應思渭北王君公已避牆東汗牛汗馬  
何分別同是人間第一功

不朽惟言列第三君才無讓我何堪魚苻我自侯關內肉譜  
君當友世南蒙滿親賢登闕史亞歐形要入清談禮堂寫定  
猶無日苦勸經營老學菴